

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi tačke III. Zaključka o prihvatanju Programa utroška budžetskih sredstava i Plana korištenja sredstava posebne naknade za zaštitu i spašavanje za 2019. godinu u Zeničko-dobojskom kantonu, broj: 02-14-8210/19 od 14.05.2019. godine, na prijedlog Kantonalne uprave civilne zaštite, Vlada Zeničko-dobojskog kantona, na 9. sjednici, održanoj dana 12.06.2019. godine, donosi

ODLUKU

**o odobravanju sredstava Vatrogasnom savezu Zeničko-dobojskog kantona,
Dobrovoljnom vatrogasnom društvu „Olovo“ Olovo, Kantonalnoj Službi za spašavanje sa
visina i Kantonalnoj Službi za spašavanje na vodi i pod vodom - SiNIK „Atom“ Zavidovići**

Član 1. (Predmet)

Odobravaju se sredstva u iznosu od 2.000,00 KM (slovima: dvijehiljade konvertibilnih maraka) Vatrogasnom savezu Zeničko-dobojskog kantona, Dobrovoljnom vatrogasnom društvu „Olovo“ Olovo formiranom na području Zeničko-dobojskog kantona, a koje je proglašeno Službom zaštite i spašavanja od požara u općini Olovo, te Kantonalnoj Službi za spašavanje sa visina i Kantonalnoj Službi za spašavanje na vodi i pod vodom - SiNIK „Atom“ Zavidovići za nabavku opreme, materijalno tehničkih sredstava, stručno obučavanje i osposobljavanje.

Član 2. (Analitička konta)

Sredstva iz tačke I. ove odluke isplatit će se iz Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19), sa razdjela 14. - Kantonalna uprava civilne zaštite, budžetska organizacija 01, potrošačka jedinica 0001, ekonomski kod 614 300, pozicija „Tekući transferi neprofitnim organizacijama“- redovna budžetska sredstava, na račune Vatrogasnog saveza Zeničko-dobojskog kantona, Dobrovoljnog vatrogasnog društva „Olovo“ Olovo, Kantonalnoj Službi za spašavanje sa visina i Kantonalnoj Službi za spašavanje na vodi i pod vodom - SiNIK „Atom“ Zavidovići, kako slijedi:

1. Vatrogasni savez Zeničko-dobojskog kantona500,00 KM
2. Dobrovoljno vatrogasno društvo „Olovo“ Olovo.....500,00 KM
3. SiNIK „Atom“ Zavidovići 1.000,00 KM.

Član 3. (Izvještavanje)

Vatrogasni savez Zeničko-dobojskog kantona, Dobrovoljno vatrogasno društvo „Olovo“ Olovo i Službe zaštite i spašavanja dužni su izvijestiti Kantonalnu upravu civilne zaštite o namjenskom utrošku sredstava, iz člana 1. ove odluke, u roku od 60 dana.

Član 4. (Realizacija odluke)

Za realizaciju ove odluke zadužuju se Kantonalna uprava civilne zaštite i Ministarstvo finansija, svako u okviru svoje nadležnosti.

Član 5.
(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

PREMIJER

Mirza Ganić

Broj: 02-14-9942/19

Datum, 12.06.2019. godine

Z e n i c a

DOSTAVLJENO:

1x Kantonalna uprava civilne zaštite,

1x Ministarstvo finansija,

1x Vatrogasni savez Zeničko-dobojskog kantona, putem Uprave,

1x Dobrovoljno vatrogasno društvo „Olovo“ Olovo, putem Uprave,

1x SiNIK „Atom“ Zavidovići, putem Uprave,

1x „Službene novine Zeničko-dobojskog kantona“,

1x a/a.